


皇朝實錄



三十六冊

大清世祖體天隆運英睿欽文大德弘功至仁純孝
章皇帝實錄卷之一百二十七

順治十六年秋七月庚申朔享

太廟遣官祭司門之神

壬戌

以阿達哈、番覺羅脫布齊為宗人府理事官
都察院左副都御史袁懋功言用人之途文武並
重直隸文場合八府之士于順天府而彙試之乃
武場在內者兵部主之在外者撫巡主之一事兩
分與文場殊異請於八府武生鄉舉之年令各道

臣試其弓馬策論合式者冊送按臣按臣彙送兵部合試於其試錄亦如文場進呈御覽以重大典

上是其言下所司詳議 袁懋功又言禮莫大於宗廟孝莫大於祀先我

太祖

太宗次第配享獨祫祭之禮闕焉未舉請勅典禮諸臣廣稽舊典復歲暮祫祭之禮以彰孝治之隆詔禮部詳察典例以聞

甲子

已刻日生暈青黃白色 陞湖廣按察使周天裔為陝西布政使司右布政使江西饒南道叅議張思明為山東按察司副使分巡永平兵備道湖廣督糧道叅議陳正中為四川按察司副使分巡松龍兵備道陝西商維道叅議劉繼昌為湖廣按察司副使分巡湖北道福建漳州府知府錢光泰為河南按察司副使分巡河南道廣西潯州府知府陳丹為山西按察司副使分巡真寧道直隸大名府佟國禎為廣東按察司副使分巡南韶道降補原任江南蘇松道副使張基遠為陝西按察司僉

事分巡臨鞏道

丙寅

禮部覆吏科給事中法若貞廣東道御史朱裴疏
言滇黔底定率土同歡所有祭告宣示典禮應如
議舉行得旨祭告典禮著察例具奏大兵開服滇
黔業成一統皆賴

上天眷命

太祖

太宗功德昭庶非朕德威所能自致何致居功宣提
表賀寺禮俱不必行

丁卯

命內大臣達素為安南將軍同固山額真索洪燾
章京賴塔等統領官兵征剿海逆鄭成功賜之勅
曰海逆鄭成功竊犯瓜洲等處茲命爾達素為安
南將軍同固山額真索洪燾章京賴塔等統領大
兵前往征剿與江南昂邦章京提督提督巡撫等
協心戮力多設方略相機剷除凡事與眾燾章京
等會議酌行毋謂自知不聽眾言毋謂兵強輕視
逆寇仍嚴偵探勿致疎虞抗拒不順者戮之大兵
一至即時迎降者俱免誅戮有擒殺賊渠投誠者

仍分別陞賞惟以安民為務須嚴禁兵將凡我人
民勿得擾害務體朕靖安民至意行間將領功罪
實察紀明彙奏至于十長以下除死罪外其餘大
小罪過俱與眾將商酌徃行處分爾受茲受任益
勤厥事欽哉 降奎儀衛奎儀使王鵬冲四級冠
軍使叅特黑滿關永鏗各三級冠軍使劉永灝一
級俱照官事以

上祭

太廟失備奎駕故也

以軍功加三等阿達哈：番

吳汝玠二等阿達哈：番

戊辰

以鑲紅旗滿洲固山郎中杜敏正白旗烏真超哈
固山牛录章京陳養忠俱為甲喇章京 裁直隸
三河義豐遵化榆河順義各驛：丞 故明廢宗
朱義盛謀反並其黨舒瑛張定之李勇士李贊美
譚武周陳國輔魏名規徐介石俱伏誅 浙江温
州台州及屬縣衛所颶風大作壞城樓砲臺民舍
甚衆

庚午

湖廣上湖南道僉事吳甲周坐婪贓流徙席北

壬申

陞河南河南道叅政劉樾為湖廣按察司按察使
廣西府江道副使王瑛為江西布政使司叅政分
守饒南道山東濟南道僉事陸朝瑛為陝西布政
使司叅議分守商雒道

癸酉

以鑲白旗烏真超哈固山拖沙喇哈番品級章京
王懷忠為甲喇章京 補服闋監察御史陳棐為
山東道監察御史 禮科右給事中楊雍建言還
來海氛告繁災祀江南為樞臣者既不能尽心經

畫預定策于幾先又不能返躬認咎冀收效於事
後夏卿何官中樞何地而泄：至此非所以重樞
務而鼓六師也伏乞嚴飭樞臣痛改積習實意擔
當一切机宜不時密奏日奏前亦當引罪以昭大
体庶無負

朝廷設立中樞之意詔兵部明白回奏

甲戌

中元節遣官祭

福陵

昭陵

四祖陵 以江西提督楊捷充隨征江南左路總兵
官寧夏總兵劉芳名充隨征江南右路總兵官
以正紅旗滿洲固山一等蝦杰殷為擺牙喇甲喇
章京

丙子

以精奇尼哈番董季礼為左都督充隨征浙江總
兵官 索倫部落胡尔格烏尔达尔漢等貢貂皮
宴賚如例 海寇犯江南省城

丁丑

陞編修曹尔堪王澤弘為翰林侍讀劉芳燭田逢

吉丘象升為翰林院侍講 遣山西道監察御史

陳洪柱巡按順天

戊寅

增說光祿寺滿洲典簿一員 陞冠軍使僧特黑
永鑑為銓儀使雲麾使噶達洪教色羅達穆清額
為冠軍使 旌表節婦江南歙縣生員畢禴妻胡
氏婺源縣生員滕蛟妻江氏給銀建坊如例 礼
部題定南王子未經受封例無卹典但為賊害又
奉有建議卹典之旨應俟靈柩到日臣部堂司官
員迎至城外祭奠初次上坟給引幡一杆紙三萬

張鏐子三萬祭饌十五棹羊七隻酒七瓶內閣撰
給祭文遣官并傳集固山額真梅勒章京侍郎阿
思哈、番前往祭奠其二次上墳紙鏐羊酒同前
止遣部臣致祭 以喀爾喀部落故三等精奇尼
哈番巴釋子碩穆即克襲取

庚辰

上幸南苑 漕運總督亢得時聞海寇入犯江寧出師

高郵自溺死

辛巳

陞直隸大名道副使王度為太僕寺少卿 陞直

隸懷來道副使吳執中為湖廣布政使司叅政分
守督糧道浙江杭嚴道僉事范印心為山西布政
使司叅議分守口北道山西寧武道僉事張自涵
為河南布政使司叅議分守河南道湖廣湖北道
叅議徐騰蛟為陝西按察司付使分巡河西道湖
廣昌武道叅議陳子達為陝西按察司副使分巡
寧夏道湖廣下荆南道叅議曹申吉為河南按察
司副使分巡睢陳兵備道大理寺右寺正荆世爵
為浙江按察司僉事分巡寧紹道

壬午

裁廣東龍門浚化新安新寧清遠陽山連山樂昌
仁化乳源翁源和平永安長寧大埔惠來普寧平
遠廣寧封川開建恩平開平信宜吳川石城遂溪
徐聞靈山會同樂會定安感恩昌化陵水東安西
寧江南碭山各縣儒學訓導 命戶部尚書車克
往江南催辦各省錢糧製造戰船賜之勅曰進剿
海寇製造戰船需用錢糧浩繁必應用不匱如可
刻期告成今特遣尔前往江南凡各省額賦除兵
餉外的量堪動項款移會各該督撫作速催取起
解尔察明驗收轉發督造船隻官員用濟急需如

各該督撫催督不力司道有司徵解延緩致誤營
造即指名題叅以憑究處尔受茲任益當夙夜恪
勤副朕簡倚之意 戶部倉場侍郎林起龍考滿
廢一子入監讀書 授偽德安侯秋三品為抒誠
侯偽總兵馮萬保為都督同知以擒偽王馮雙礼
來獻故也

甲申

上自南苑還宮 昏刻有流星大如盞赤黃色起自
牛宿東北行至近濁

乙酉

辰刻日生暈赤黃色

丙戌

禮部覆憲臣袁懋功疏請照會典舉行禘祭禮制
曰可 兵部遵旨回奏疏言科臣楊雍建以海寇
突犯江南劾臣等失運籌但地方戢守功罪叙賚
究處臣部俱照例遵行自有海誓以來凡調發征
討重大机宜即奏請裁度並未因循然逆賊狂逞
臣等運籌無能罪何能辭疏入得旨樞臣職司戎
務調度机宜須尽心籌畫方為不負委任之急這
回奏巧言飾辨殊不合理還着明白回奏

戊子

補服闋右春坊右諭德章雲鷺為翰林院侍讀學
士復職左春坊庶子曹本榮裁缺左春坊左庶子
張士甄俱為翰林院侍講學士 以正黃旗烏真
超哈固^{山阿哈} 番張野養為甲喇章京 定順天
府進取儒童額二十五名大興宛平二縣各二十
名 偏沅巡撫袁廓宇疏舉烈婦銅鼓衛貢生沈
朝俊妻何氏為賊所獲抗節不辱投小橋江賊復
出之水中卒不受污罵賊而死貞女綏寧縣曾女
許配蕭方林年十六方林故女聞訃奔喪遂撫姪

為嗣親操井臼以事姑嫜下禮部議 福建省城
及長樂連江羅源等縣颶風雷雨壞城垣廬舍兵
民多被壓死 三法司會議陳保袁二黑等特強
行兇將無辜之蝦阿拉那擅行綁縛捏誣酗酒持
刀刺人罪重情大俱應立斬議上得旨陳保袁二
俱着即處斬黑子情罪亦大但遽擬立斬是否允
協着另議具奏

八月己丑朔

制貴州土官每遇歲終各上世系履歷及有無嗣
子開報布政司三年入覲時報部以憑稽核

加彝陵總兵張大元右都督以其捐資修葺營房
城垣故也 江南總督卽廷佐奏海寇自陷鎮江
勢逾猖獗於六月二十六日逼犯江寧城大兵單
難於守禦幸貴州凱旋梅勒章京噶褚哈馬爾賽
等統滿兵涉荆州乘船回京聞賊犯江寧星夜疾
抵江寧臣同駐防昂邦章京哈木梅勒章京噶
褚哈等密商乘賊舡尚未齊集當先擊其先到之
舡哈木噶褚哈等發滿兵乘舡八十隻於六月
二十日西路出剿擊賊敗衆斬級頗多獲舡二十
隻印二顆至七月十二日逆渠鄭成功親擁戰艦

數千賊衆十餘萬登陸攻犯江寧城外連下八十
三營絡繹不絕安設大炮地雷密布雲梯復造木
柵思歆久困又於上江下江以及江北等處分布
賊艘阻截要路臣與哈木等晝夜固守日夜望
其援兵協剿蒿目焦心至七月十五日蘇松水師
總兵梁化鳳親統馬步官兵三千餘名至江寧又
撫臣蔣國柱調發蘇松提督標下遊擊徐登第領
馬步兵三百名金山營叅將張國俊領馬步兵一
千名水師右營守備王大成領馬步兵一百五十
名駐防杭州固山大牙他里等領官兵五百名俱

抵江寧臣等公議賊今分兵逼城立三營于儀鳳
鍾阜二門外當先擊之隨于七月二十三日將滿
兵汛堵賊營防其應援遂發提督兩標綠旗官
兵并標化鳳標營官兵從儀鳳鍾阜二門出剿賊
踞木柵併力迎敵各將領奮不顧身冒險先登屢
戰多時陣擒偽總統余新併斬偽總兵二員擊死
賊衆無算至晚收兵臣等又公議滿洲綠旗官兵
悉出擊賊恐城內空懸留臣守城其昂邦章京哈
哈木梅勒章京噶褚哈馬爾賽蘇松總兵官梁化
鳳等由陸路進漢兵提督曾效忠固山大賈爾布

巴圖魯法位巴圖魯臣標副將馮武卿等由水路
進谷統官兵次日五鼓齊出賊已離營屯北高山
擺設挨牌火炮列陣迎敵我兵自下仰攻鏖戰多
時賊始大敗生擒偽提督甘輝併偽提兵等官陣
斬賊衆不計其數燒燬賊艘五百餘隻餘孽順流
敗遁哈木噶褚等復領水陸兩路官兵疾追至
鎮江瓜州諸賊聞風乘舟而遁我兵於二十八日
回江寧得旨據奏滿漢官兵奮勇水陸並進擒剿
逆寇甚多克奏大捷深可嘉悅着該部從優議叙
其奏 裁直隸灤縣歸併通州興濟縣歸併青縣

增說巡檢一員永寧縣歸併延慶州

庚寅

上御經筵 陞翰院侍讀學士章雲鷺為國子監祭

酒 陞正紅旗烏真超哈固山郎中兼牛錄章京

阿爾泰為甲喇章京阿爾泰 陞陝西河州副將

蕭鳴祚為都督僉事管廣西潯梧副將事鞏昌副

將許占魁為都督僉事管紫荆關副將事副將管

延安營叅將事高必昌為署都督僉事管湘廣洞

庭湖水師副將事叅將管慶陽營副將事李正芳

為陝西寧夏花馬池副將 兵部覆左副都御史

袁懋功疏言直隸八府武生與京衛武生總屬畿輔人才允宜歸併合試其中額應酌量共取二百名京衛武生一百名外州縣衛所武生一百名用翰林官二員為主考小京取四員為同考官順天府堂上官為提調御史二員為監試其頭場二場監射馬步箭考驗技勇仍照舊例臣部滿漢右侍郎考試報可

辛卯

兵部遵旨再行回奏疏言臣等才識卑庸籌畫未周以負

皇上委任至意惟有席藁待罪靜聽處分命吏部議奏

壬辰

陞山東東昌道副使郎永清為湖廣布政使司叅政分守下荆南道廣東驛傳道副使吳嵩胤為湖廣布政使司叅政分守湖北道山西大同道僉事戚良宰為湖廣布政使司叅議分守武昌道刑部郎中吳治淮為廣西按察司僉事分巡府江道補服闋廣西驛傳道張弘俊為山西按察司副使分巡清軍驛傳道翰林院掌院學士折庫訥密陳

四事一曰均田以為披甲人恒產年來用兵披甲人買馬製械奴僕處止生業凋零艱難日甚我國家初定中原凡官兵俱計田授丁富厚有力之家得田數至數百晌滿洲披甲人或止父子或止兄弟或止一身得田不過數晌征役甚煩授田甚少殊為可憫今正當有事之秋凡官兵應勿論人丁多少槩視差等均授以田其間散人戶亦行量給凡有增減定例或十年或十五年一加編審如此則田畝得均而甲兵日廣居則資生有策行則軍威克壯矣一曰增真烏超哈兵力今各省多用烏

真超哈在京各固山披甲馬兵不過百人而固山額真梅勒章京甲喇章京牛录章京亦在其內兵少若此征戰安所賴乎按烏真超哈定例不論新舊每壯丁五名各出馬步甲一副合而計之甚堪披甲者亦不甚多臣愚以為凡直隸山西陝西山東河南各處邊疆之人有精壯善騎射者請勅督撫提鎮凡司道副叅以上每平定限選拔送京編入烏真超哈牛录披甲訓練二三年皆同舊人或令駐防或令出征事必有濟矣一曰慎選叅旗官兵今天下錢糧大半耗于綠旗雖星羅碁布徧滿

海內一有寇警全然無益仍請在內禁旅此皆將帥失人故也今後凡提鎮等緊要員缺請不論滿洲蒙古烏真超哈漢人但選其夙嫻軍旅精明強幹之員補授至該地方武弁及閒散聽用各員內不乏才幹之人若該督提鎮所見既確一遇緊要缺出宜即行酌量陞補以示鼓勵簡閱士卒內精勇者號為前鋒兵錢糧量加優給視其勞績擢用以開上進之路汰其老弱官兵不得充數冒濫庶軍事修明不致虛糜糧餉而地方有事亦有攸賴矣一日亟收人心近聞江南各州縣寇亂有望風

迎降者有縛官獻城者此皆將帥紀不明有司撫綏無術致失人心若此夫叛逆固不可寬若詳究其由豈有闔城官民同謀叛逆之理必有奸宄之徒首為倡亂今天威遠鎮大軍已發滅寇在旦夕間設將叛逆之人繫伸國法數十城百姓盡加誅戮不但有傷我

皇上如天之仁恐後此有不幸而陷于賊者將益墜其沒逆之心矣請速密諭大兵但誅其渠魁其迫脅株連愚民繫與赦免則財賦之地不至傷殘而聖德垂之萬世矣下所司議

癸巳

上幸南苑 命固山額真劉之源為鎮海大將軍同
梅勒章京張元勳周繼新領官兵駐防鎮江賜之
勅曰茲以京口重地特命劉之源爾掛鎮海大將
軍印同梅勒章京張元勳周繼新等鎮守駐防鎮
江京口務要整搦兵馬申嚴紀律遇海寇逞犯督
率兵將力剿嚴防毋容片帆入江一賊登陸江寧
蘇松常鎮等處沿海沿江地方有警該督抚請兵
爾等酌量援剿凡事會同該督撫及江寧滿漢提
督商酌計議而行不得輕躁疎虞所用糧草該督

撫布政司按期支給仍嚴束兵將不許橫行搶掠
民物及借打草放馬為名擾害農業務令兵民相
安不為地方所苦凡民間一應事情係有司職掌
及江上往來官民舡隻聽管江防官盤詰放行俱
不許干預務体朕靖寇安民之意所統領功罪
察實紀明彙奏有犯小過者當即處分至於分得
撥什庫以下除死罪外其餘大小罪過俱與衆將
商酌徑行處治勅中開載未盡事宜應奏者奏應
行者行爾等各以奮勲特為簡任須協謀併力以
副委任佇膺懋賞如或貪黷乘張繼兵玩寇貽悞

汎守國憲具在尔等慎之母忽 命大學士劉正
宗衛周祚為會試主考官 起原任漕運總督蔡
士英仍以兵部左侍郎兼都察院左副都御史提
督漕運巡撫鳳陽等處坊方海防軍務兼理糧餉
福建巡撫宜永貴仍以兵部左侍郎兼都察院右
副都御史提督操江兼巡撫安徽寧池太廣仍管
固蘄廣黃德湖口等處地方軍務兼管巡江 以
鑲黃旗烏真超哈固山原任梅勒章京馬程禎正
黃旗烏真超哈固山牛录章京馬成勳俱為甲喇
章京 裁古北桃林潘家等口抽分漢官每差止

留滿官一員筆帖式二員

甲午

四川巡撫高民瞻奏報臣親統領官兵進取成都
逆賊聞風逃遁追至新津河陣斬及溺死無美偽
官俱繳印投誠川西底定命所司察叙

乙未

陞正白旗烏真超哈固山牛录章京金光祖為甲
喇章京 起降調陝西右布政使蕭時彥以原官
雲南布政使事陞湖廣上湖南道叅議彭而述為
雲南按察司副使管雲南布政使司右布政使事

衡州府知府李光座為雲南按察司副使提調學
政江西臨江府知府胡允為湖廣按察司付使分
巡上湖南道

丙申夕

月于西郊遣公愛星阿行礼 經畧大學士洪承
疇奏報安南國都將太傅宗國公武公恣遣目吏
王川伯鄧福綏朝陽伯阮光華齎啓赴信郡王軍
前據忱納款報可 陞正紅旗烏真超哈固山牛
录章京吳延祚為甲喇章京
太宗文皇帝忌辰遣官祭

昭陵 遣大學士額色黑祭

先師孔子 允大孝士金之俊暫假回籍遷葬

廕陝西固原陣亡中軍李變龍子占春為拖沙喇
哈番

戊戌

遣官祭

大社

大稷

上自南苑還宮

己亥

太祖武皇帝忌辰遣官祭

福陵 裁湖廣沅陵縣會溪巡檢司巡撫溆浦縣鎮
寧巡檢司巡檢五開衛新化守禦所吏目廣西柳
州衛南丹衛慶遠衛經歷賓州常豐倉官靈川
縣大龍驛興安縣白雲驛永福縣三里驛全州城
南驛平樂縣昭潭驛昭平縣昭平驛蒼梧縣府門
驛桂平縣府門驛平南縣烏江驛貴縣懷澤驛馬
平縣雷塘驛雒容縣雒容驛柳城縣東江驛來賓
縣在城驛象州象臺驛武宣縣仙山驛賓州府城
驛遷江縣清水驛宜山縣宜陽驛各驛丞

庚子

安南將軍固山額真明安達里等奏報臣等自荆
州赴援江寧八月初七日至荻港聞賊乘舡千餘
隻越江寧泊三山峽隨分兵前進至舊地方偽都
督揚文英等于楊子江港口迎戰我兵擊敗之擒
斬偽副將一員獲舡隻兇械甚多下所司議叙

辛丑

陞貴州貴寧道叅議曹士琦為陝西按察司副使
分巡漢羌兵備道

壬寅

戶科都給事中朱紹鳳言蔡士英宜永貴皆以在
告推用江淮初當蹂躪急借撫綏乞召諭二臣星
馳赴任綢繆調度密奏机宜又逆渠餘氛必返故
巢漳泉一帶軍需孔亟而藩司王顯祚為周亮工
一案羈留京師經年曠職聞亮工曾經廷臣保舉
而宜永貴保全閩省之功亮工與王進二人均有
協贊之力今二人繫獄一載有餘宜令該部速為
審結若贓款皆真何不早正懲貧之法如果糾叅
失實亦當大破贖顧之情惜人才而昭國法不可
稽延歲月也疏入得旨言官言事當恪循職掌秉

公陳奏這本稱揚蔡士英宜永貴又言周亮工王
進保閩有功久繫未覆及案內王顯祚有無關係
明係沽名市息大不合理朱紹鳳着降五級調外
用

甲辰

江寧巡撫蔣國柱奏逆寇鄭成功自江寧敗遁南
下復犯崇明遊擊劉國玉等擊敗之賊俱南遁下
所司察叙 旌表定南王下失陷桂林時殉難節
女牛氏孔氏等一百一十九口給銀建坊如例

乙巳

上幸南院 浙江總督趙國祚奏報七月初九日台
溫郡城黃巖太平寧海王縣海門松門盤石三衛
前所新河楚門健兆四所同日颶風損壞城樓炮
臺民房甚多下所司知之

丙午

上自南苑還宮 陞正黃旗烏真超哈固山甲喇章
京金維垣鑲紅旗烏真超哈固山甲喇章京杜忠
正白旗烏真超哈固山甲喇章京吳天壽俱為梅
勒章京 允致仕三等阿思哈 番金聲克子玉
成襲職 裁江西清江縣蕭灘驛新喻縣羅溪驛

南城縣盱江驛鉛山縣車盤驛安仁縣紫雲驛南
康府匡廬驛 丞饒州府倉大使

戊申

裁山東靈山衛鰲山衛經歷永阜倉副使歸併大
使濟南府晏城五寧東北置馬桃園兗州府東京
新橋滕陽各驛 丞歸併司城捕官東昌府渡口
水驛埽併清源驛

庚戌

遣官祭

歷代帝王

遣官祭城隍之神

喀爾喀部落丹

津喇嘛等貢馬宴賚如例 戶部左侍郎林起龙
請更定綠旗兵制疏畧曰臣聞國家之治亂視兵
馬之強弱國家之貧富視兵馬之多少其強弱多
少之分在于有制與無制而已有制之師兵馬精
強器械堅利號令嚴明可以戰可以守兵雖少也
一以當十餉愈省兵愈強而國富無制之師兵馬
罷弱器械鈍敝號令生疎不可戰不可守兵雖多
也萬不敵千愈餉費兵愈弱而國貧此歷來用兵
不易之大端也今天下綠旗營兵幾六十萬每歲
費月糧二百餘萬石餉銀一千餘萬兩然而地方

有事即請滿洲大兵是六十萬之多曾不足當數
萬之用其故何也臣請一一陳之如一將官赴任
召募家丁隨營開糧軍牢伴當吹手轎夫皆充兵
數甚有地方舖戶令子姪充兵以免差徭其月餉
則歸之本管此兵丁無實之情形也馬兵開支草
料多有扣尅短少至驛遞缺馬亦借營兵應付是
以盡皆骨立鞭策不前此馬匹無實之情形也器
械如弓箭刀鎗盔甲火器等項俱鈍敝朽壞唯有
三眼鎗每兵開領一桿又火門堵塞雖設無用至
於帳房窩舖雨衣箭罩送未見備此器械無實之

情形也夫兵凶事戰危事也孔子曰以不教民戰是謂棄之春秋兩採之法竟不舉行將不知分合奇正之勢兵不知坐作進退之方此訓練無實之情形也由是觀之徒空國帑而竭民膏雖有百萬之衆亦何益哉然其大病有二一曰貪數多國家設立營鎮原以勘亂定禍固守封疆今乃責之捕盜終年不得團練夫府同知州吏目縣典史本係捕盜之官原有民壯番快晝則緝盜盜夜則巡警遇响馬竊盜尋踪覓跡得而擊之而兵不能也如直隸一省綠旗營兵共有四萬一千餘名不論衝

僻遠近大者八九百名為一營小者二三百名為一營用叅遊都司守備千百總領之分駐各府州縣名曰專城營今就一縣城守小營言之一縣番快不過三十名一年工食百餘兩而已裁去原為省費今乃設一部推守備兩經制已總領兵一百四五十名年費月糧二百八十餘石餉銀一十九百餘兩及不及一二十名捕快為有用者乎費乎此臣所謂貪數多之情形也一曰給餉薄國家出餉養兵買其死命然必衣食飽煖筋力強壯平居無事生其投石超距之風臨陣對敵收其捨命報

思之功今城守兵每名月閔米三斗支銀一兩五錢除扣尅外一月之中月用蔬菜所需冬夏衣服所需修整器械鞍轡所需一人之身僅能存活若有父母妻子則艱難甚矣然使按月支放猶可度日今近則三四個月遠則半年猶靳而不與何以自支此臣所謂給餉薄之情形也說者曰此時方憂餉缺若謂餉薄勢必加增方憂兵少若謂數多勢必裁汰殊不知自有加餉而餉反省裁兵而兵反多之術惜無真心謀國之人耳如直隸一省經制官兵四萬一千六百餘名其中有膂力膽氣弓

馬嫺熟者抽一萬五千名即以三萬兵糧餉應之應用器械使兵自製按季點驗違式者扣餉治罪約束既定著實團練不許影占一名死故逃亡申報勾補每年專差知兵大臣查實奏聞較之四萬有名無實之兵不啻天淵矣此臣所謂加餉而餉反省裁兵而兵反多之說也至於城守營制須斟酌天下阨塞戶口多少險夷強弱之處隨地制宜因形立鎮其腹裡州縣只照舊法添設番快緝賊捕盜捕快既足冗兵盡將俱可裁汰所省更自百倍也此臣就直隸一省言之別省可以類推矣至

於用人宜不拘常格今所謂將材不過兩行一曰武科一曰雜流武科習就弓馬編成策論幸而入彀英豪之士其實無既雜流一行舊人則通事新人則提塘差官途徑既卑才品愈下不知兵爲何物今皆授之營頭授之專城非所以重封疆之臣以爲天下營鎮千把總等缺宜即用本營百總旗牌哨長隊長陞補或有功兵丁亦可超拔與部推兼而行之則出身有望人懷向往之心矣若夫總督爲封疆重臣總兵爲領兵大師總督宜使之得選擇將官因地調補兵補不得拘之文法總兵宜

使之得募召親丁隨營食糧養馬錢糧亦當加給以資彈壓如此則地方文武大吏舒心任事而後兵可練餉可省也今總計天下綠旗兵共六十萬誠抽得二十萬精兵養以四十萬之餉；厚兵精地方有警戰守有人不致動請天兵不過十年可使庫藏充溢不然天下之大處；俱待滿兵不亦勞乎伏乞勅下謀臣深心籌畫熟思審處則兵強餉足封疆鞏固而地方永享太平矣

上以所奏深切時弊多有可採下所司詳議

辛亥

予陝西興安總兵齊陞祭葬如例 陞山西河東
道副使項錫胤為貴州布政使司叅政分守貴寧
道冀寧道叅議萬翹為廣東按察司副使驛傳道
平陽府知府萬永祚為廣東按察司副使巡海道
補服闋江南安廬道僉事劉澍為陝西按察司僉
事分巡洮岷道 工科都給事中姚廷啓言我
皇上文德武功史不勝書然猶躬秉謙約退讓徽稱
令臣下無得稱聖竊思

聖德兼備而不居其名何以裨天下後世之瞻仰請
仍加

聖號宣示中外得旨人君政事得失全在實行無閑
稱聖前諭不許稱聖乃朕本懷非虛為粉飾姚廷
啓又來竄奏大不合理著嚴飭

癸丑

遣官諭祭鄂尔多斯部落固山貝子額林臣 裁
浙江都司都事斷事各一員 免直隸慶都唐縣
本年雹災額賦有差

甲寅

改原任兵科副理事官張季礼為廣道監察御史
宴賞鮮國請謚請襲陪臣鄭維城等如例

乙卯

逮江寧巡撫蔣國柱至京勘問以海賊犯京口國柱同提督管効忠敗績故也

丙辰

以叅將管經畧軍前旗鼓事閻鎮為署都督僉事充湖廣中路總兵官

丁巳

以致仕一等阿達哈、番魚一拖沙喇哈番閻印子可權襲職

戊午

予梅勒章京加一級穆爾泰祭如例 三法司覆議黑子一案以黑子雖與陳保等同夥誣陷蝦阿拉那情真但起謀原由陳保袁二應將黑子較前議減二等擬絞秋後處決從之

大清世祖體天隆運英睿欽文大德弘功至仁純孝
章皇帝實錄卷之一百二十八

順治十六年九月己未朔

江寧巡撫蔣國柱疏言鎮江失守之時文官知府
戴可進等六員武官副將高謙等十四員皆失身
沒逸獨巡江營守備羅明昇守譚家洲陣亡應沒
優卹下所司察議

庫申

增設温州左右兩營遊擊二員守備一員千總四
員免浙江台州府四年至十二年被劫倉庫銀

粮

辛酉

復設太僕寺：丞一員 刑部尚書白胤謙等因
等因議王秉衡一案回奏認罪得旨王秉衡貪贓
重罪原無可矜漢官徇庇另議求寬其中必有情
弊白胤謙等著九卿科道從重議罪

壬戌

吏部言樞臣或司戎務凡封疆安危戰守机宜自
當籌畫周備乃海賊宜突犯江南雖地方官失於
防禦樞臣亦難免疎失籌畫机宜之咎尚書梁清

標應降三級罰銀七十兩又加三十兩侍郎額赫
里劉遠李棠馥應各降二級罰銀七十兩俱照舊
管事從之 陞湖廣下荆南道副使李文煌為山
西布政使司叅政分守真寧道戶部郎中駱騰為
山東按察司余事分巡東昌道 裁山東：昌府
南館陶壽光縣廣陵鎮平度州亭口鎮黃縣馬停
鎮福山縣孫奔鎮蓬來縣楊家店巡檢司巡檢
順天巡按董國興疏舉節孝節婦清苑縣民劉
登舉妻段氏夫死時年二十六父欲奪其志投井
死而復甦家貧事公姑至孝教子思輯成進士守

節三十八年開州民李鳴鳶妻武氏夫死時年二十三孝事公姑撫孤成立守節四十八年孝子文安縣生員邢澄事公姑撫父母至孝父病侍湯藥晝夜不倦邑遭兵燹棄妻子負母而逃皆于例旌下禮部議川陝總督李國英疏報收復嘉定一路總降偽將軍楊國明總兵武國用各州縣偽官亦皆獻印投下所司知之復費揚古郭邁所削之賊仍為二等阿思哈致任一等阿達哈哈番兼一拖沙喇哈番鄂塞故一等阿達哈董山叔都賴二等阿達哈番徐自成弟自經拖

拖沙喇哈番固山牛劉調元子通海各襲賊

癸亥

陞正黃旗烏真超哈固山牛录章京尚安祿為甲喇章京兵部疏劾江南總督即廷佐駐防江寧昂邦章京哈木提督馬逢知浙閩總督李率泰前駐防浙江固山額真今浙江趙國祚原任浙撫今告病陳應泰現任浙撫佟國器提督田雄台州總兵張杰温州總兵尚好仁水師總兵常進功駐防浙江昂邦章京科魁各任內失陷城池請加處分以肅軍紀得旨即廷佐哈木雖先有地方失

事後能固守江寧殺敗戰賊功足贖罪著免議餘
着會同吏部議處具奏江南安廬兵備道僉事陳
襄以殉私諱盜為御史馮班所糾詔解任下撫按
嚴

甲子

予三等阿達哈：番加一級滿濟祭如例

丙寅

添設南苑守備四員 裁福州府常豐福清萬安
興化府莆喜泉州府金門福寧州大金各倉大使
副使泉州府晉安錦田大輪延平府雙峯三華建

寧府長平邵武府樵川杭州各驛：丞

丁卯

以滇黔底定遣官祭告

天 地 太廟

社稷 諭吏部曰舊例總督巡撫請告必令代題今

念督撫皆係封疆重臣朕所倚毗以浚如有真實
老病者許其自行陳奏著永著為例

庚午

以鑲白旗烏真超哈固山阿達哈、番祖植椿為
甲喇章京 兵部督捕左侍郎吳達禮考滿得旨
吳達禮督捕衙門事務未有專心料理不准考滿
兵部以京城被盜傷人擬該管甲喇大奪俸撥
什庫鞭責

上以所議太輕命將甲喇大革職撥什庫送刑部擬
罪永著為例

辛未

命大學士覺羅巴哈納額色黑成克鞏胡世安學
士布顏折庫訥白色純胡兆龍艾元徵王熙吏部

尚書孫廷銓侍郎石申戶部侍郎林啟龍兵部督
捕侍郎霍達為殿試讀卷 准吏部左侍郎梁清
寬回籍調理病痊起用 補外轉監察御使祖建
明為廣西布政使司叅議分守左江道

壬申

諭吏部曰巴哈納金之俊成克鞏劉正宗衛周祚
李霽尼滿察不害白色純常屬麻勒吉前降級罰
俸俱着寬免照舊李霽亦着照舊辦事 陞鑲白
旗烏真超哈固山牛录章京崔澄為甲喇章京
九卿科道會議刑部尚書白胤謙侍郎杜立德鍾

昂都察院左都御使魏裔介左副都御史袁懋功
掌河南道御史于嗣登大理寺卿朱國治少卿張
璿寺丞王元曦寺正裴希度寺丞司理刑不能執
法乃將王秉衡一案家產妻子另議輕免俱應革
職為民得旨杜立德鍾鼎魏裔介袁懋功于嗣登
朱國治張璿王元曦裴希度俱沒寬免白胤謙由
內閣特簡司寇遇事未見執持報効隨眾唯諾負
朕委任之意委靡不能稱職着降三級調用

癸酉

殿試天下會試中式貢士朱錦等制策曰古帝王

平治天下必政教脩明然後海宇寧謐願宣猷熙
績端借臣鄰故以庶政分任庶官俾六府孔修百
工時叙邛隆之理朕甚慕焉朕承

天眷命撫御萬方十有六年於茲所期共勦政治內
則責之六卿外則責之督撫簡任既慎倚毗殊殷
乃近見內外諸臣或懷心自便或持已乖方或推
諉以即安或廷踈而寡效以致庶務未修民生未
遂語云大臣不法則小臣不廉茲欲使正己殊屬
實心任事何道而可至於守令各官親民最切撫
字催科皆其專責何以兼盡無擾以稱循良教化

為朝首務刑法乃民命攸關朕嘉惠斯民念深懷
保欲端風俗則廣勵之事何先欲致祥刑則明允
之道奚若爾諸士經術夙嫻思展蘊抱久矣行將
登爾於朝分職任政其各抒所學著之於篇毋拘
毋襲直言無隱朕將親覽焉 裁江西袁州建昌
寧州奉新各儒學訓導宜春縣、丞秀江驛、丞
萍鄉草市撫州府望仙南城縣藍田各巡檢司巡
檢吉安府遞運所建昌府豐盈倉大使

甲戌

轉翰林院侍講學士左敬祖為侍讀學士侍講劉

芳躅為侍讀陞侍讀曹爾堪為侍講學士編修馮
源濟為侍講 補服滿兵部都給事中孫光祀為
戶科給事中 陝西巡撫張自德言漢中為三秦
門戶四面皆衝向以平西王鎮之三方安堵今一
旦移鎮於滇秦省雖有三標四旗六鎮兵然屢經
抽調在、空虛而蠢動者尚煩有徒大為可慮漢
中雖有城守副將兵僅千名委不足恃當日原設
有總兵沒經裁撤今或仍復說總兵或別發禁旅
用資防剿則漢安而秦自安矣下兵部議

乙亥

上御太和殿傳臚賜會試中式貢士陸元文等進士
及第出身有差 諭吏部曰人才經歷外任然諳
練事情克稱任使科道俱照舊例按年內陞外轉
今後翰林官除照常陞轉外亦與科道一體按年
外轉爾部會同翰林院詳議定例具奏 諭兵部
曰國家用人文武并重今年已再會試文武舉將
材為詰戎飭備所需亦宜預儲以備任使着于明
年再行會試天下武弁應行月日爾部即行議奏
加調征雲南經畧右標提督總兵官右都督張
勇為左都督辰常總兵官太子少保左都督楊遇

明為太子太保經畧前標總兵官都督南一魁為
太子少保剿撫四川右路總兵官都督同知馬寧
湖廣左路總兵官都督同知張國柱為右都督署
剿撫四川左路總兵官沈應時為署都督僉事廣
西全州總兵官署都督僉事劉應忠為都督僉事
湖廣祁陽總兵官都督僉事陳德益陽總兵官都
督僉事馬鷄子為署都督同知管經畧前營大甌
副將王永祚為團練火器總兵苗鎮雲南 川陝
總兵督李國英疏報蘆山偽武義將軍杜學率所
部偽官六十餘員兵二十餘名繳印勅投誠下所

司知之

丙子

加四川天全六番招討使高濟泰為督督僉事以其投誠拒賊有功也 浙江巡撫牟雲龍坐狗庇貪黷知縣吳之榮革職逮問 蕪松巡按馬騰陞疏報未送賊賊官監司胡亶高光夔同知陶鼎鉉徐騰鯨知縣牟文龍教賊過松齡畢翰縣丞陳煥新巡檢童猷或不居同城或因公在外跡有可原而鎮城在籍鄉紳原任吏部郎中張九徵原任御史宣重光當知府戴可進定謀迎賊時慟哭力爭

不得反城破乃遜名節克全疏入下所司奏議

丁丑

陞刑部左侍郎杜立德為本部尚書 陞兵科右給事中姜希轍為禮科都給事中工科給事中于可託為戶科右給事中 遣河南道監察御史何可化巡按江寧 添設鴻臚寺滿洲少卿一員筆帖式四員

戊寅

遣工部尚書管侍郎事郭科禮部侍郎祁轍白諭祭故朝鮮國王李湔祭文曰屏藩鞏固垂令譽於

海邦賙唁弘殷錫殊恩於泉壤爾朝鮮國王李湜
孝友宜家恭勤治國箴銘曰倣禹史時親不墜前
徽彌大箕裘之業有嘉儀物更昭翊戴之忱凜予
一人明威輯寧東土撫數千里版宇保乂王家方
期樂善以遐齡詎意嬰疴而奄逝茲聞告訃憫悼
良深念昔入侍

太宗文皇帝服事輸誠小心翼

太宗文皇帝俯垂愛育恩礼有加朕撫今追昔彌增
軫惻特賜祭賻謚曰惠宣仍封王世子李柵為朝
鮮國王承襲如制嗚呼壯長城于東海奕葉輸忠

賁華袞於幽宮松楸生色靈如不昧尚克歆承

遣大學士蔣赫德吏部侍郎覺羅碩博會封朝鮮
國國王世子李柵為朝鮮國王世子妃金氏為王
妃錫之鞍馬貂裘彩幣等物并詔告其國中詔曰
分茅敷治念率土之皆民建屏抒忠賴世臣之有
後苟能恪秉成憲勿替前徽凝命錫庥基丕宜永
故朝鮮國王李湜忠貞嗣篤孝夙彰居敬克寬樹
儀型于侯服履謙昭信矢靖共於王家舊業方昌
壯齡忽殞茲未訃告例應襲封世子李柵世序攸
承賢良克類允繫家邦之望允光祖考之基特諭

奏請襲封為朝鮮國王式順輿情俾綿固祚河山
常奠益虔翊戴之誠政舉教咸宜共尽尊親之悃
特茲詔示咸使聞知封世子李柵冊文曰建邦敷
化壯屏翰於東維式訓守城秉正朔于北極禮崇
嗣位爰載彝章國重象賢應加寵錫爾朝鮮國王
世子李柵奕葉殫忠冲齡著美岐嶷擅譽永昭圭
璧良之虔錫禮躬克紹禮儀之緒念藩屬郡邑既
虔纂服之有長君順倚望輿情因隆析爵以煥新
命特封尔為朝鮮國王提封濱海賜履承先明天
澤以篤忠貞無忝作述撫河山而謹節度表率臣

民欽哉勿替朕命封世子妃金氏冊文曰來王來
享价藩凜服事之誠采繁采蘋邦壺宣協助之媿
故子而繼父既世紀之永延惟妻以相夫宜國典
之攸及尔朝鮮國王世子妻金氏夙嫺姆訓作配
王家勤省於三朝克勤孝養著儀型於四德有裨
儲修鞶悅因愆式隆一體之義珣瑜肇錫聿彰
爵之文茲特封尔為朝鮮國王妃益勵柔嘉交成
忠敬傲鷄鳴于燕鳴寢宜象服于龍章欽哉勿替
朕命 免廣西臨桂縣草場十四十五六年包荒
稅銀永寧州臨桂靈川永福義寧等縣廢藩田租

銀米

己卯

諭翰林院曰考選庶常原以作養人材朕今詳加簡閱親行考試取中朱訓誥陳景仁鍾朗周訓成李為霖周燦金國用鄭日奎馬大士曹昂望周漁王勗劉如藻蔣繪李平陳元陳志紀翟世琪羅繼謨趙濟美張瑋鄭端管愷蘇宣化王追騏揚維喬鄭為光楊大鯤劉雯曠朱之佐朱錦戈英唐寅清劉元勳詹養沉翟延初盧乾元蔣弘道審爾講趙之符周之麟共四十一名爾衙門即傳諭吏部遵

行宴齋殿試讀卷官各執事官及諸進士例

庚辰

以鑲藍旗烏真超哈固山梅勒章京海尔番為固山額真正黃旗原任梅勒章京阿思哈：番孫達札巴番魯為纛章京鑲紅旗滿洲固山甲喇章京察哈泰正紅旗烏真超哈固山原任梅勒章京吳國楨為梅勒章京

辛巳

諭禮部曰興京

祖陵乃發祥重地宜隆顯號以展孝思今尊稱為

永陵應行典禮爾部即察例具奏 以故一等阿思
哈；番兼一拖沙喇哈番沙爾護達子巴海一等
阿思哈；番劉進忠子士龍三等阿達哈；番劉
麟子委面一等阿達哈；番兼一拖沙喇哈番達
護子阿番爾面一等阿達哈；番多爾濟子巴扎
爾布勒子額廩臣奇雅鈕子邁蘭三等阿達哈；
番喀爾堪姪布藍張秀兄吉拜他喇布勒哈番兼
一拖沙喇哈番胡什巴子多弼拜他喇布勒哈番
秦弘績兄弘面高雲龍子升拖沙喇哈番孔永吉
子興隆沙護子阿藍博洛對叔子西代各襲職

贈陣歿阿達泰為拖沙喇哈番令其姪諾密襲之

壬午

諭翰林院曰今科庶吉士新經選且各衙門辦事
正在需人戊戌科庶吉士宜加任用著開列職名
具奏應由翰林院及應別衙門用者候朕裁定其
由翰林院者仍著照例讀書 轉吏部右侍郎兼
翰林院侍讀學士馮溥為吏部右侍郎仍帶兼銜陞翰
林院侍讀學士馮溥為吏部右侍郎仍帶兼銜
遣山東道監察御史陳斐察山東荒地 一甲一
名進士陸元文率諸進士上表謝恩

癸未

諭翰林院曰翰林院印信滿文筆帖式黑衙門字樣著改為翰林院戶多隆與漢文同以後題奏文移滿字俱着稱翰林院命學士折庫訥胡兆龍王熙艾元徵教習庶吉士裁陝西甘泉縣撫安中部縣翟道宜君縣雲陽三驛

甲申

上幸南苑

乙酉

孝慈武皇后忌辰遣官祭

福陵 吏部定議翰林官外轉例除侍讀學士侍講學士以上照常陞轉外侍讀以下應照科道例每年外轉二員春季一員秋季一員侍讀侍講以參政用修撰以副使用編修檢討以參議用汶之定靖南王旗下官兵營制兵三千名設左右梅勒章京二員甲喇章京四員擺牙喇甲喇章京四員統之

丙戌

以故總兵拜他喇布勒哈番齊陞子人龍襲職以漕糧全完實授坐糧廳郎中加太僕寺少卿張

文明少卿仍管坐糧廳事

丁亥

吏部題宗人府各部院寺衙門凡食六品俸筆帖式視內閣撰文中書舍人例以員外郎寺缺補用食七品俸筆帖式視內閣支七品俸撰文中書舍人例以主事寺缺補用無頂帶筆帖式仍遵前旨用其包衣牛錄下其各員應於不分固山衙門補授從之

卷一百二十八

